


日本  
撰述

# 本朝高僧傳

五十四 五十五  
五十六

特279  
18  
特279-318  
1200501132403



第六百七十號  
庫書百高文

# 始





本朝高僧傳卷第五十四

感進四之九

濃州盛德沙門本師蠻撰

京兆仁和寺沙門道法傳

釋道法後白河帝第八十年安元年生天然貴胤宿  
植法種在錦綺裏慕緇木門年甫九歲入仁和寺師  
皇兄守覺法務學密典十四得度壽永三年冬任二  
身阿闍梨十九拜覺公於觀音院入灌頂壇元應二  
年春叙親王掌六勝寺檢校建久六年春為東大寺  
大佛殿供養道主昇階二品九年戊午董仁和寺翠



歲正月朔日食奉詔修北斗法浮雲覆鉢建仁元年  
賜乘牛車三年癸亥爲總法務補最勝院檢校元久  
二年春宣陽門院祝髮出家就法受戒承元二年主  
務最勝寺四天王寺四年十月慧星出有詔修五大  
虛空藏法修中妖星隱越月又出修孔雀經法即承  
隱賞補弟子道助敘三品爲金剛峰寺檢校建曆三  
年金剛法幢院真慧僧都付神護寺建保二年十一  
月某日順世壽算四十九葬於北院法奉敕修法四  
十二度大略有効灌頂弟子九人皆任家法焉

和州龍門寺沙門慶圓傳

釋慶圓鎮西人隨吉野堯仁受灌頂法又謁顯密名  
德研習初止和州安部練若適亡一徒見九相變固  
心真乘專事料藪居吉野龍門寺書大般若太集太  
品法華涅槃玄義止觀文句密教諸軌等觀修多感  
宇多郡有堯信者久受狂疾凡有加持罵詈揮斥屈  
圓求救信敬禮曰幸值高德願避左右通我夙志圓  
去看病者信曰我先世欲受灌頂不遂而亡餘執不  
竭受生鬼趣而法力所感尚有神威願垂悲教授與  
密灌圓曰公昔何人耶信憮然有恥貌圓曰已乞授  
受豈忘名乎信曰我是中院僧都某也乃授灌頂信



歡喜合掌曰宿望已足矣深恩以何酬乎圓曰振古  
 碩師名德臨終儘遭魔撓子稱威神有意乎信曰我  
 徒屬有二百餘神常伺人死以作燒害我一誠之不  
 敢爲也言訖信病愈多武峯有平等法師數月狂病  
 不差迎圓加持等努目數圓乃取鐵箸燒于爐中以  
 手弄之圓軟語慰諭授菩薩戒等微笑曰我燒火箸  
 欲以熱師而聞師誦戒我心已降圓曰誰乎等曰我  
 覺錢也此等法師誣我曰卽身成佛之印者錢始作  
 之殊不知三國相承兩部祕奧之印明也欲言此事  
 屢託等耳圓曰適逢名德得聞未聞欵談良久等疾

卽痊圓詣八幡神宮一女立家門悲泣歔歔圓憐而  
 問之女曰昨夜我母歿我寡不能送喪是以泣耳圓  
 卽負屍葬於荒野因謂神忌歿不可近焉其夜宿馬  
 場小舍而觀和光本緣回向法施夜深一男子來曰  
 無緣悲葬我所納受也有何忌諱速來晤語圓意異  
 人因問密曰男子結祕印誦要文答釋明白而曰我  
 本身者釋迦文佛也言已不見圓後見弘法大師親  
 盡神體始知神感嘗期十日禪坐和州室生山臨其  
 散日遊化龍神宮還過河橋逢貴婦人薄絹覆面告  
 圓曰爲受法來願授卽身成佛印明圓曰授受之際



必稱名字不知誰也女曰善女龍也即付印明女曰  
過去七佛傳授然也亦無違錯圓曰我欲見女顏女  
曰我形醜大難呈上人而不可違命便騰空中出左  
手小指爪長丈餘放五色光倏忽隱沒又供舍利一  
千日至其滿日壇上及花瓶皆現舍利凡千餘粒諸  
徒分持貞應二年正月嬰病不食先歿三日謂諸徒  
二十七日當取滅至期結印誦咒曰我口中甚甘如  
含甘露言訖而寂年八十四荼毘夜其地有光大如  
傘蓋其明松葉可數隣里人民及多武峯僧共見瑞  
光圓耐于勤修一日之課五人六人相分作之而不

及焉解脫上入和州信貴山下營總持寺安藥師像  
請圓開眼供養也

江州無動寺沙門暹命傳

釋暹命丹州人志氣疆直幼上睿峰傳習台教兼修  
淨業額鏤三寶字背懸彌陀像初事斗藪徃遍畿內  
詣四天王寺跪煉一指供養尊像時青龍現形太子手印  
記曰荒陵池有青龍護伽藍佛法甚可怖畏指燈漸竭龍形亦隱處  
處靈區煉手足指多感徵驗後無動寺內結菴而居  
不受信施只一沙彌每至齋時巡乞山衆受飯而供  
順德帝藤皇后清淨潔齋裁布袈裟憑沙彌而贈之



命取熟視曰供養三世諸佛乃拋投溪谷一日坐觀  
 三諦即是之義忽感山王平日感或空中有聲稱德  
 讚嘆或夢裏告來生期嘉祿元年八月十三日俄告  
 隣房曰死時已至樂國當期因集門徒修念佛啟白  
 畢向西而終行年八十三矣

贊曰佛教高妙貫接百靈故千歲遺弟往往與神交  
 命公坐空觀乘三聖臨貴所謂感應冥叶者而可知  
 神佛同揆也矣

京兆東寺沙門成寶傳

釋成寶參議藤惟方之子京兆人也從顯慧僧正學

三論依雅寶法印受密灌悉究玄秘治承三年歷三  
 會講師建久八年任權大僧都正治元年住元興寺  
 冬移法隆寺建永元年春司東寺長者兼法務承久  
 三年夏敘權僧正性厭蕃冗冬十二月奏辭僧正并  
 長者職降敕不許四年春補東大寺主務建保元年  
 奉詔法雲於神泉苑七日大雨朝家優賞以弟子親  
 寶任權律師冬十月遷大安寺承久元年四月畿甸  
 久旱又有敕修請雨經法於神泉苑愆期不雨奏延  
 七日至第三日雨澤普施賞轉大僧正三年正月還  
 任長者即領寺務法務安貞元年十月七日寂春秋



六十九

贊曰寶公歷遷四名藍再任一長者頻灑法雨蘇息蒼生非<sub>レ</sub><sup>レ</sup>德之感愜而致如此之舉哉今世之人不知其名亦疎哉

京兆仁和寺沙門道尊傳

釋道尊以仁親王子仁和寺守覺僧正甥也自幼隨覺公落<sub>レ</sub>中習學長稟兩部祕法讀諸密典性質溫雅仁愛播物建久四年爲一身阿闍梨尋任權僧都開蓮華光院爲第一祖元久三年春住東大寺承元元年秋轉正任東寺長者兼寺務法務爲護持僧冬十

二月補仁和寺務建曆二年秋八月早讀經法事于神泉苑連日大雨帝賞甚厚建保三年夏六月旱泉苑誦經以第五日畿內雨澤賞以顯寬任權律師六年夏旱又祈神泉修中大雨承久元年仲冬望夜月有蝕之奉敕修一字金輪法天陰雨降二年冬依病辭長者法務諸職三年閏十月任大僧正重領諸職貞應元年賜牛車宣此歲二月嵯峨釋迦堂落慶供養尊爲導師衣冠扈從伶人奏樂是日帝駕臨幸建保四年盜取東寺舍利寶物尊於西院修佛眼法此月盜發嘉祿二年再住東大賜田莊於上願東南安



貞二年秋奏請職八月五日寂春秋五十四  
贊曰經云豪貴學道難尊公出大寶之家入如來之  
室濟世拯物令躋祕密莊嚴之域良哉王子公孫方  
袍圓頂修額門之炳鑑也

城州醍醐寺沙門成賢傳

釋成賢中納言藤成範之子弱齡從醍醐勝賢僧正  
剃染受業稟灌頂法住遍智院不啟密藏承元三年  
任大僧都明年冬加東寺長者補醍醐寺座主建曆  
元年秋旱奉敕修孔雀經法而驗賞任權僧正建保  
三年夏旱修同法於神泉苑七日雷雨賞轉正弟子

淨真任權律師頻年又修孔雀經法於高陽殿禱雨  
得賞定範爲法印光實轉大僧都賢脫專願樂國寬  
喜三年九月十九日寂壽七十有弟子四十二人

京兆東寺沙門良遍傳

釋良遍越中刺史藤顯成之子稟金胎祕法於勝遍  
律師又從公賢僧都重受密灌建久八年冬蒙東寺  
小灌頂之宣翌歲十二月改補觀音院小灌頂建保  
元年夏敘法印六年冬加任東寺長者承久元年春  
旱奉敕祈神泉苑至第四日暴雨普潤乃蒙優賞二  
年十月辭長者職一日遭病結印契誦密咒跌坐而



化壽八十三實喜四年八月二十一日也時呼越中法印

### 京兆東寺沙門親嚴傳

釋親嚴飛彈守中原親光之子初依尊念僧都習學密教後隨顯嚴僧正受兩部灌頂研練瑜伽尤有法驗住隨心院聲馳寰宇元久初任權僧都建保二年春轉大秋七月管東寺長者領寺務兼法務承元元年任權僧正是歲七月旱修法泉苑第三日大雨流賜置阿闍梨五口於隨心院明年於高陽殿修愛染法員其効驗宜嚴為權律師元仁嘉祿間神泉苑

三祈雨俱得法徵賞以賢長任權僧都嚴海任權大僧都光嚴為律師安貞元年賜置阿闍梨三人於東寺西院初建保四年盜入東寺寶藏竊什物去嚴修五大虛空藏法於西院是歲盜露寶還故有此賞二年戊子為護持僧實喜二年冬十二月客星出敕嚴禳之率嚴海俊嚴宣嚴親泉於東寺講堂修仁王經法左衛門權佐藤信盛看護法筵第五夜祇星隱賞置阿闍梨五人於講堂三年春祈中宮產有誕彌優賞轉正貞永元年任大僧正聽乘車入禁門天福元年冬十月客星出又修仁王經法第七日祇星消



上足嚴海任權僧正文曆二年補東大寺嘉禎二年  
修仁王經法由是每歲賜阿闍梨五人於密華國院  
是歲十一月二日奄爾順世保齡八十有六矣  
贊曰天長年中弘法大師東寺講堂鋪設軌壇修仁  
王經法祝釐國祚其後無續而修者歷四百餘年嚴  
公始紹祖業而熄惡星震名一世從茲小野諸師相  
續行之經曰南閻浮提十千小國二十八星失度金  
星彗星輪星鬼星等出時一切國王講讀此經七難  
卽滅七福卽生萬姓安樂帝王歡喜矧行者事理俱  
密修之何祚災不消乎故先德贊賞曰一人百僚殊

歸東寺之祕法四衆萬民深仰南山之餘風天下之  
美談海內之勝蹟也

### 江州延曆寺沙門慈圓傳

釋慈圓太丞相忠通藤公之子聰明絕倫十一師延  
曆寺座主覺快舞勺年就剃染從座主明雲登壇受  
戒十六任一身阿闍梨承安四年抵江文寺期一百  
日研究法華養和初年昇進法印隨甘露王院權僧  
正全公稟灌頂法住青蓮院兼管無動三昧法性常  
壽元曆元年爲護持僧建久三年任權僧正補天台  
座主明年春爲法務冬十一月八條院暉子修羅漢



供圓爲導師六年三月大將軍賴朝源公入寺對談  
唱酬秋九月於大乘院招二百僧修勸學講朝廷乃  
賜越前藤嶋肥田千畝七年冬辭座主法務退居吉  
水正治元年鳥羽離宮修冥道供建久元年重補天  
台座主明秋解印冬十一月修熾盛光法天變卽止  
因補平等院檢校三年二月任大僧正自權轉大以  
圓爲始夏五月詔於法勝寺造八萬四千小塔名僧  
供養圓爲導主瑞星晝現帝大感歎舉弟子靜嚴敘  
法印元久元年於吉水坊供養千佛公胤爲導師伶  
人奏樂帝率公卿幸坊聽法承元初年上患疱瘡張

壇宮殿修七佛藥師法聖躬安全冬住四天王寺翠  
歲罷歸讓大僧正於真性三年春後鳥羽上皇御願  
於睿山集一萬二千二百五十員僧願寫一切經設  
大會齋以興福寺雅緣僧正爲導師同寺範圓爲讀  
師公胤僧正爲咒願秋於大乘院修太熾盛光法帝  
兩度臨幸二年冬三補天台座主四年秋修法華法  
上皇幸山冬十月彗星出修熾盛光法其驗如初越  
月復出修金輪法慧第永隱建曆三年辭座主職不  
許遠去因歸吉水秋再管四天王寺冬四補天台座  
主住山八年辭歸東山建保三年就大乘院始修布



薩六年十一月敕許乘牛車貞應元年夏於十禪師  
彼岸所修法華八講講師聽衆各八人皆睿山碩德  
初座供養導師聖覺演說微妙證義者俊範論斷究  
理也嘉祿元年於小嶋房香湯沐浴著新淨衣拜佛  
舍利命聖增唱佛語中夜結祕印誦密咒右脇而寂  
行年七十一法臘五十九火浴收骨於無動寺嶺圓  
顯密爲勤謙己推入世仰如佛至今播名梵學外粹  
和歌著愚管鈔大相國兼房藤公就圓祝髮受戒道  
覺法親王從圓稟法仁治三年賜諡慈鎮  
贊曰或有智無福者僧家之常觀圓之接化一嚴共

備蓋以謙光之德乎哉

城州隨心院沙門顯嚴傳

釋顯嚴直講中原廣宗之子從隨心院增俊阿闍梨  
承傳法灌頂周旋東寺南山研精密經住隨心院誘  
掖後學有詔加東寺長者轉任僧都感驗尤著貞應  
年中勤後七日御修法朝廷舉隨心院爲御願場任  
順德後堀河四條帝護持僧乘車入禁

京兆東寺沙門定豪傳

釋定豪侍從民部少輔源延俊之子良豪法印灌頂  
之神足也承久元年夏任權少僧都三年冬司熊野



三山檢校貞應二年春任權僧正嘉祿元年冬補東寺長者安貞二年秋董東大寺貞永元年春閑院修法蒙賞轉正嘉禎二年冬十二月日食之敕蒙加持雨降不見賞管寺務法務三年春補高野傳法院座主明年春爲護持僧修長日金輪法賞聽乘車曆仁元年九月二十四日化齡八十七

京兆東寺沙門真慧傳

釋真慧右少將源通能子從延泉僧正受灌頂法建仁二年秋任權少僧都承元二年轉大敘法印建保六年所中宮產修五壇法慧行太威德壇得効受賞

貞應元年補石山寺座主嘉祿二年夏轉權大僧正安貞二年冬大相國公經藤公建愛涼堂請慧爲供養導師寬喜元年夏加任東寺三長者二年春所中宮產得法驗賞置阿闍梨二人於金剛幢院嘉禎二年爲護持僧補東大寺務曆仁二年秋董東寺兼法務修仁王經法仍乞東寺修營朝許其奏延應元年正月宣聽駕車二十一日化年七十七

京兆東寺沙門覺教傳

釋覺教三條左大臣實房藤公子少從印性僧正落髮習學拜仁和寺覺法親王稟密灌住仁和真乘院



事法教相密者推重建久五年歲二十八直敘法眼  
正治二年任權少僧都元久初進轉大承久二年冬  
任加東寺長者元仁元年閏七月旱奉敕於神泉苑  
讀經念持五日大雨賞置阿闍梨二人於本房嘉祿  
二年轉僧正曆仁元年春辭僧正并長者職朝廷崇  
其德行弟子房圓恩敘法印齋助恩任大僧都延應  
元年春正月賜東寺寺務及護持僧之宣兼任法務  
二月九日還任僧正八月轉大季秋月蝕祈乃得驗  
因奏東寺神護高野各置阿闍梨一人仁治元年夏  
辭僧綱朝廷優眷聽乘牛車秋九月辭護持僧投老

真乘無幾而化仁治三年正月八日也保齡七十六

京兆東寺沙門仁慧傳 勝心

釋仁慧藝州刺史隆親之子稟灌頂法於仁隆僧都  
密宗祕軌竭思得法感報延應元年秋任權大僧都  
仁治二年補東寺長者寬喜元年轉權僧正二年六  
月畿內旱魃有詔修請雨經法於神泉苑不日而雨  
人稱法驗寶治元年七月十六日寂年七十三復有  
釋勝心平安城人氣象不凡精密典有感通往三寶  
院眾皆服歸因司高野檢校四條帝賜僧官嘉禎三  
年辭檢校職鎮山五載不詳其終



京兆仁和寺沙門道助傳

釋道助後鳥羽帝第二子幼冲聰睿四歲敘親王六歲入仁和寺道法僧止之室十一劍度誦習密咒承元四年敘二品建曆二年冬為一身阿闍梨尋隨法公浴灌頂水建保元年補六勝寺檢校是歲冬繼仁和寺席五年秋上患瘧疾修北斗法於高陽殿瘧除賜賞仁和寺影堂置阿闍梨五人六年七月朔日食詔於藤相國亭先庚七日修仁王經法至期雲雨覆天賞弟子二人昇僧綱翌歲正月為總法務承久二年春二月太上皇御惱修孔雀經法玉體平復夏五

月准后禮子

嘉陽門院

薙髮助為戒師三年秋八月上皇

圓頂相就助受戒貞應元年九月彗星奉詔修北斗

法於太聖院及撤壇夜惡星即沒實喜元年退居金

峯山寶治二年正月十五日寂於高野山壽算五十

五矣

京兆仁和寺沙門道深傳

釋道深後高倉帝第二皇子建永元年生十一入仁和寺從北院道助僧止落州受業稟戒已後南都東南院質密教學性相承久二年任一身阿闍梨翼歲冬敘親王安貞元年補廣隆寺實喜元年於禁殿修



孔雀經法賞敘二品二年春隨助公于觀音院稟兩部密灌三年春住仁和寺秋九月爲總法務六勝寺檢校貞永元年秋九月彗星出於紫宸殿修孔雀經法客星卽沒曆仁元年秋聽駕牛車入禁裏寬元二年膺明慧上人十三回忌高山寺羅漢堂本尊開眼供養深爲導師建長元年七月二十八日寂壽算四十四

京兆東寺沙門實賢傳

釋實賢左典廐藤基輔子依理智院隆澄法性寺勝圓學諸經論從醍醐賢海勝賢二師承兩部密灌就

成實僧正重受年過四十住金剛王院任醍醐寺座主東南學侶持笈抵門嘉祿二年任權大僧都尋敘法印嘉禎三年春敕行五壇賢修北壇降三世得法驗賞轉大僧都是歲夏任東寺長者明年秋任權僧正延應初辭諸職仁治元年夏秋亢旱詔賢祈雩泉苑修法感連日雨賞置阿闍梨三人於醍醐尊師堂冬十月下詔還任僧官長者寬元二年天下旱魃仁慧僧正修孔雀經法二七日無驗破壇而退賢又奉敕修同法於神泉苑至第二日華夷普雨受賜轉正四年正月祈月食有徵寶治初爲護持僧五月禱月



日本書紀 卷之四十四 紀州高野山沙門行勝傳  
蝕又驗賞置伴僧二人於清瀧宮平日感應不可勝  
記建長元年九月四日化壽七十四

紀州高野山沙門行勝傳

釋行勝不詳其姓譜攝州高木縣人拜仁和華藏院  
聖慧親王習祕密教從淨喜院心覺阿闍梨受傳法  
灌頂純素有操及壯歲巡歷修練名山絕巘率以卓  
錫久居和州笙品窟修不動使者法一日明王出現  
壇上勝欲見降魔相忽變作俱利伽羅勝益勉癩絕  
五穀喫棗麤後止野山寂靜院苦修益勤法驗日著  
仁和道法親王將受灌頂數日風雨守覺僧正命勝

禱晴膺期天霽中使賞法驗且宣曰朕聞公外形骸  
不知何以表賞賜勝奏曰天野神祠納一切經臣僧  
願足矣詔度藏經今猶存焉蓋天野與丹生者高野  
護法神也勝又勸請氣比嚴島併爲四神勝修不動  
護摩每日七坐一日朝起修供兩手握五鈷三鈷壇  
上坐化實建長六年四月二十八日也壽八十有人  
神異靈驗孔多難記人崇靈德建小祠祭號若宮附  
天野祠嘗有隨力得善二侍者奉薪汲每月晦日使  
彼持咒符獻之禁闕其道千里朝往夕歸不知所終  
想制多迦昆迦羅乎又觀事蹟與泰澄和尚同修得



也耶

京兆東寺沙門俊嚴傳

釋俊嚴宰相俊經之子從醍醐寺親嚴僧正傳兩部灌頂有感進名貞永元年秋任權大僧都建長三年夏補東寺長者畿內旱有詔修請雨經法於神泉苑不越三日大雨四年六月天下亢陽又神泉苑祈雪有徵賞敘僧綱六年六月禱月蝕驗賞以尊教任法印是月奉詔所中宮產修愛染法內宮剖胎冬十一月二十九日寂

京兆東寺沙門房圓傳

釋房圓后宮大夫成經之子仁和寺覺教僧正灌頂傳法之神足也住真乘院以密自任寬喜初元任權少僧都建長元年冬奉朝召修軍茶利法即日有驗賜置阿闍梨二人於住房五年夏五月司東寺長者京城大旱祈雨神泉即日應賞轉權僧正六年春禁殿修軍茶利法應如前舉盛教敘法印正嘉元年春領東寺兼法務秋九月為僧正

京兆東寺沙門行遍傳

釋行遍參州刺史藤任尊之子拜仁和寺道法親王稟兩部密灌久侍左右受諸祕軌住御室菩提院練



行苦修靈感影響承久二年春任權少僧都嘉禎二  
年加東寺四長者曆仁二年夏轉權僧正延應元年  
夏大丞相家實藤公病百方無効請遍修尊勝法即  
瘳仁治元年轉大僧止任東寺長者二年夏管法務  
藤公入東寺就遍受灌頂悅曰自今仁和寺傳法灌  
頂會當補權律師一員舉靜範即充任建長六年夏  
祈皇后產修佛眼法不爾厥月皇子誕生其後正元  
弘長間祈后產得法驗建長己酉辭僧綱寺職承永  
元年臘月十五日化於住院年八十四

京兆仁和寺沙門隆澄傳

釋隆澄藤長信子就仁和寺道深親主人兩部壇嘉  
禎初任權僧都延應元年冬轉大建長七年冬登權  
僧正正嘉二年夏辭僧綱弘長元年冬有旨還任僧  
官加東寺三長者明年冬改轉正文永元年七月慧  
星修五壇法澄預中央無何慧沒賞置阿闍梨二口  
於理智院二年正月朔日有蝕之奉敕加持俄小雨  
雲覆日歷時解駮天晴三年夏領寺務法務爲護持  
僧冬十一月解長者法務印十七日寂齡八十六

京兆東寺沙門定親傳

釋定親內大臣藤通親之子性氣純粹志行過人受



灌頂法於定豪僧正又依行遍僧正重受就東南院  
樹慶僧正稟二論嘉祿元年坐維摩會講師博辯清  
人耳三年夏敘法眼寬喜元年歷三會講任權少僧  
都轉大仁治二年春補東大寺席道情化儀七太寺  
欽明年夏補東寺長者兼權法務建長五年春爲權  
僧正六年臘月十五日奉詔祈月蝕驗以定宗任權  
大僧都康元元年補醍醐座主正嘉元年秋七月旱  
修祕法於神泉苑修中大雨連日文永元年七月慧  
星就萬里小路洞院修仁王經法大弗忽匿優賞有  
差三年九月九日化年六十四

本朝高僧傳卷第五十四

音訓

亢口浪切 慧徐醉切 蝕裳職切

江府住玉泉軒成九居士信施淨財鏤  
本朝高僧傳卷五十四 茲冀  
上報四恩下資三有家道繁興種智圓明  
寶永丁亥佛成道之日  
濃州路加納盛德禪寺 知藏比丘 識



本朝高僧傳卷第五十五

濃州盛德沙門 師蠻撰

感進四之十

江州延曆寺沙門慈源傳

釋慈源攝政關白道家藤公子幼歲入青蓮院從侍  
慈鎮良快二師學顯密法既邁弱冠修練早成嘉禎  
四年補延曆寺座主山眾雍欽曆仁元年十二月妖  
星西出詔修七佛藥師法結願日妖星隱賞置向關  
梨三口於睿山寬元三年三月彗星東見又詔源修  
熾盛光法於宮中得驗任大僧正三載解印退居飯



室仁治二年春再任天台座主兼領四天王寺冬十月  
月彗星出召諸山座主於禁殿行七佛藥師法源爲  
大阿闍梨治山前後九年退居妙香院建長七年七  
月十九日入寂歲三十七世號吉水  
贊曰源公童中學逸幾研顯墳密典卷之懷焉巍彼  
良嶽坐鎮三千彰施祕徵有藉藉然大塊假以數十  
年則光顯前業不宣蹄筌未足四十早戢化權

京兆仁和寺沙門良慧傳

釋良慧大相國藤兼實之子隨仁和寺道法親王受  
兩部大法住上乘院元久二年任權少僧都承元二

年冬爲一身阿闍梨寬喜元年任權僧正天福元年  
爲護持僧延應元年領廣隆東大之寺務秋司東寺  
長者仁治元年夏轉大僧正秋受寺務法務之宣二  
年六月旱修孔雀經法於東寺灌頂院第四日雨賞  
聽駕車明年春辭諸職寬元元年再任長者法務寶  
治元年六月祈雨於灌頂院修孔雀經法七月初三  
大雨敕使賞勞明年又辭諸職建長元年優詔復職  
三任長者之初例也明年又辭寺務文永五年十一  
月二十四日寂年七十七

京兆東寺沙門實瑜傳



釋實瑜侍從藤公仲子道助親王之資瑜伽法軌傳  
無餘蘊嘉祿三年自權律師任權少僧都貞永元年  
轉大嘉禎四年敘法印寬元元年祈中宮產修大威  
德法得驗受賞建長五年修同法又受賜六年春任  
權僧正冬加東寺三長者文應元年修北斗法賞領  
寺務法務爲護持僧秋八月修普賢延命法奏道俊  
敘法印文永元年七月六日化春秋六十四日  
城州八幡沙門唯心傳  
釋唯心城州八幡人傳廣澤密灌馳修感名修兜率  
業觀坐道場現出內院世曰瑜伽悉地之人也泛愛

教入學徒常填有僧求密灌者心語之曰今及澆季  
真言功能不可輕蔑示汝其驗請試出舌僧隨教心  
結印契舌頭甘如密心解印其味亡又擬鈴印則鈴  
音隱隱于室內僧驚異誓首心曰此事勿向他語只  
是欲使汝發信於真言法也文永未修胎藏坐禮盤  
泊然而化時都率淨土現於室內吊者皆見或夜告  
弟子曰我今生兜率內院平日之願足矣

京兆東寺沙門道勝傳

釋道勝大丞相實氏藤公之子自幼英拔從大僧正  
道助剝染受密灌頂天福二年補觀音院阿闍黎位



嘉禎二年冬任權大僧都住勝寶院嚴淨道場播灌  
頂部華夷學賓入場受業正嘉元年秋轉僧正文應  
初年爲東寺長者詔爲國家修普賢延命法弘長二  
年冬給僧二人任大僧正領寺務法務爲護持僧禱  
東二條院產修如法愛染法皇后平婉舉朝優賞以  
俊耀轉法印三年五月於東寺灌頂院修傳法密灌  
授道耀等四神足文永三年夏旱六月晦日奉敕於  
灌頂道場修孔雀經法七月三日雷雨賞寄阿闍梨  
四人於高野山三年夏辭長者法務退于勝寶院五  
年春調伏蒙古於東寺修仁王經法及其散日神風

大吹蒙古船碎十年七月十三日吉祥而寂歲五十

六也

贊曰不遊禁苑無覽百花之秀不入翰林難求羣木  
之材有若修德通妙而世不知之豈但勝公禪教之  
師不聞於世亦多然也八宗之寺十刹之山卑辭爾  
足而搜索得焉

城州醍醐寺沙門聖尋傳

釋聖尋鷹司關白基忠藤公子聰明超科入三寶院  
從法親王聖尊落外受戒修四度加行浴兩部灌頂  
水始任阿闍梨位去如南都究法相義旨寓東南院



聲二論指趣累進僧官任大僧正文保初任東寺一  
長者繼掌法務瑜伽學徒悅得其人元應末補醍醐  
寺座主兼傳法院座主德臘益邵靈通彌多加持聖  
躬咒厭天變攘時疫祈旱魃靡不得驗元亨二年春  
住東大寺不詳所終矣

京兆東寺沙門道乘傳

釋道乘親王仁親之子嫌有爲世相永無上菩提從  
良慧僧王受灌頂法生器完固任荷真教嘉禎四年  
任權大僧都建長三年轉大僧正司東寺一長者兼  
法務夏六月爲護持僧四年八月十四夜禱蝕有驗

朝賞以仁教敘法印以乘奏公聖爲權大僧都文應  
元年春祈中宮產修五壇法有徵受賞文永十年修  
大佛頂法降於蒙古朝家喜賞舉有信任法印此歲  
臘月十一日順世壽算五十九

城州醍醐寺沙門實深傳

釋實深大納言源顯國子生溫雅堪法器就成賢僧  
正稟灌頂從憲深座主重稟深與印書悉授玄奧瑜  
伽教法功助益精嘉禎三年任權大僧都建長八年  
修大威德法祝延朝廷賞以公惟爲權少僧都正元  
二年任權僧正弘長元年春加任東寺長者文永元



年冬十月辭長者并僧綱奏置阿闍梨二人於住房  
蓮華院建治三年九月六日逝法齡七十有二深與  
成賢同年月日寂矣

### 江州安祥寺沙門道寶傳

釋道寶左僕射良輔藤公之子左僕射道家藤公猶  
子也自少從成寶僧正承灌頂就寬典阿闍梨重受  
嘉祿三年任一身阿闍梨住安祥寺尋補勸修寺長  
吏貞永元年夏任法眼文曆元年勤三會講師嘉禎  
二年齋會重講賞任權大僧都昇爲法務文永五年  
夏禱帝瘡修愛染法大有賞賜九月祈月蝕不蝕之

九年十月修六字法十年七月畿內炎旱就神泉苑  
修請雨經法七日大雨賞轉僧正季秋任東寺長者  
臘月望夜有詔祈蝕大雲忽掩時不見蝕建治元年  
十一月祈月蝕今不現二年冬領寺務明生春兼法  
務爲護持僧奉詔詣伊勢大神宮降伏蒙古夏四月  
祈月蝕而有徵弘安元年爲大僧正夏六月住和州  
大安寺衆喜教并秋七月辭僧職寵命不允二年正  
月修大虚空藏法祝護朝家四年春補東大寺八月  
四日謝世春秋六十八

### 京兆仁和寺沙門隆助傳



釋隆助、藤亞相隆衡之子。仁和寺道助親主、權頂之神足也。奔遊教利、審問密籍、歸住仁和、大教院說所。學寬喜寬元之間、轉任法眼法印。建長六年、祈源后通子大宮女院、懷胎修大威德法后。平產賞任、權僧正補東寺長者。有故解職、文永三年復任兩職。七年五月、祈日蝕、驗賞轉僧正。奏置阿闍梨五人於高野山。建治二年、辭僧綱。弘安元年七月九日、寂。歲六十六。

上野山上寺沙門行仙傳

釋行仙、從靜道法師學密教、通觀理。居上野山、上修念佛三昧、不必唱號、專疑想觀性、無莊飾、舉厝恢達。

或請唱道會、薪山中、便腰斧斤、赴檀越家。凡有嗟嘆、或受不受、任所意。適弘安元年秋、示微恙、端坐而化。如入定然。嘗慶雲掛菴前、竹如散紫帛、天樂響空中。果香且山外、火後得設利羅無數。先是預書、臨終月日、潛藏篋底。喪闋、門人始得其書、戀德不已。

贊曰：建長弘安年間、鎌倉五山禪風大競。教家良匠多問別傳、仙公生於受用、亦似休參之行履。不有見禪人、至如斯與。

紀州高野山沙門蓮眼傳

釋蓮眼、字禪智。越前人。上高野山習瑜伽軌。到和州。



謁圓照戒壇院受戒律鷲尾山開密藏雖挹諸流獨  
正西院所流弘通在茲人悉鑽仰又釋明了從小河  
上綱受密灌悉曇南都拜照受具足戒遍遊小野廣  
澤延曆園城密感亦多門葉甚蕃

京兆仁和寺沙門道融傳

釋道融藤大相國公經之子幼孺出家投蓮華王院  
道圓親主室習串密教從光臺院道助法務受灌頂  
法年十五敘法眼延應元年任權大僧都寬元元年  
進敘法印是歲春受一身阿闍梨之宣正曆元年領  
法務冬十二月任權僧正文永元年夏五月辭僧綱

法務冬十二月任權僧正文永元年夏五月辭僧綱  
優詔不允冬十一月任少僧正加東寺三長者三年  
冬十一月詔祈日蝕臨期雲雨賞以寬智任權少僧  
都越月領寺務法務爲護持僧四年二月祈禳日蝕  
乃預優賞七年轉大僧正初秋泉苑讀經祈雨六日  
得驗散日蒙賞是歲降伏蒙古行佛眼法十年二月  
結壇禁中修仁王經法慧星乃隱優稱寄阿闍梨五  
人於蓮華光院是歲冬領東大寺十一年冬蒙古寇  
又修佛眼法弘安元年住仁和寺四年閏七月十五  
日寂年五十八



京兆東寺沙門勝信傳

釋勝信大丞相藤道家之子從道實僧正剃髮受業依聖基僧正傳灌頂法住勸修寺寶治二年任大僧都文永四年修愛染法祝釐王家建治四年冬轉僧正弘安三年春加任東寺二長者明年正月入石山寺調伏異賊秋八月補東大寺主務五年冬領東寺寺務法務爲護持僧明年夏五月修愛染法於禁中六月十五日奉詔禱蝕月不欠缺冬十月爲大僧正七年夏辭職退休復奉朝命仙洞修比叅法禁中行愛染王護摩帝遣中使不聽辭護持僧十年夏五月

賜牛車宣是歲七月四日化年五十一

和州金剛王院沙門重如傳

釋重如字日蓮和州人性敏爽方六歲入東小田原寺師胎蓮法師蓮金剛主院主也稍長就蓮受灌頂習祕咒普遊密場盡野澤祕工筆翰善音調寡欲隨緣不定居止東大寺凝然就學顯密諷音如東山寒林立石塔利無緣正安元年五月十八日寂於白毫寺壽七十八如之父母皆七十八卒異哉

京兆東寺沙門深寬傳

釋深寬三品家信之子從仁和菩提院行遍僧止裏



傳法灌頂住五智院有密行名文應元年敕任權大  
僧都弘安五年冬補東寺長者冬十二月月食寬祈  
不蝕七年春轉權僧正九年冬月食又詔加持法驗  
如前賞轉正寬禱旱澇時疾得法徵多十年正月十  
七日逝壽六十二

京兆東寺沙門守助傳

釋守助大相國藤實氏之子自幼入御室大教院就  
隆助僧正熟習祕教傳灌頂法通性相博家學正嘉  
初年春住大教院敘法印建治二年春兼法務弘安  
四年任權僧正是月辭法務七年四月爲東寺長者

九年冬轉正明年秋司寺務法務九月十五夜月有  
蝕之敕助加持臨時雲覆擢賞補護持僧正應元年  
轉大僧正二年冬解諸職不記其終

京兆仁和寺沙門喬助傳

釋喬助右大臣實親藤公之子隨仁和寺房圓僧正  
承灌頂法帝聞密行正嘉三年敕任權僧正居具乘  
院開演真教文永三年夏加東寺三長者五年夏旱  
於神泉苑讀經精祈踰宿卽雨五年夏轉大僧正八  
年秋祈月蝕九年八月朔禱日蝕十年七月修請雨  
經法於神泉苑皆得法驗大蒙賞觀弘安元年秋領



寺務法務明年詣伊勢太神宮降伏異國四年正月  
登仁壽殿修觀音供秋七月補仁和寺務正應三年  
十二月二十六日化年七十有四矣

京兆東寺沙門賴助傳

賴譽

釋賴助武藏守平經時子厭弓失業爲木盂身從仁  
和寺法助僧正受灌頂法居御室敘法印弘安八年  
春補仁和寺法務九年四月任權僧正是日辭法務  
明年九月爲東寺長者正應三年正月有敕率二十  
僧修北斗法禱幕府病寢食復常五年正月辭長者  
職任大僧正越月辭僧綱永仁二年領東大寺務四

年某月二十八日寂又同時有釋賴譽中納言藤賴  
資子從真慧僧正受兩部法建長七年敘法印弘安  
元年任東寺長者八月十四日祈月蝕有驗二年正  
月任權僧正是月既望禱月蝕不闕三年十二月七  
日示寂

京兆東寺沙門實寶傳

釋實寶右僕射藤公基之子傳灌頂法於法助親王  
修練辛勤早得慧心居仁和寺誘掖學侶弘安四年  
冬任法務正應二年進轉僧正明年季冬加東寺三  
長者四年八月朔日祈蝕承法驗賞五年冬爲大僧



日本書紀 卷之三十三  
正管領寺務升護持僧永仁元年八月十三夜加持  
月食又得法徵帝賞教果任權大僧都五年十月貴  
年德賜阿闍梨二人於本房不詳其所終

城州隨心院沙門靜嚴傳

釋靜嚴一條攝政關白實經藤公之子自幼歸法隨  
嚴舜僧止剃髮稟灌頂法綜數密書住小野隨心院  
展談席待來學文永元年冬任權少僧都弘安六年  
轉權僧正八年冬加東寺長者翼歲四月望祈月蝕  
得驗轉正正應元年侍護持僧二年十月爲大僧正  
尋領寺務四年秋賜牛車之宜六年夏旱修水天供

修中大雨賜綸旨曰浮雲忽起甘雨頻降九天遍誇  
玄澤之惠千里皆消赤土之憂法驗炳焉睿感尤深  
七月望有蝕之奉敕修法得驗感賞賜綸綵曰秋雨  
遲晴望不現接虧蝕於浮雲之中顯法驗於智水之  
上睿襟之所感追可申其賞五年秋解寺務之印永  
仁七年正月七日得微疾寂春秋五十七嘗著密典  
疏鈔

京兆東寺沙門守瑜傳

釋守瑜不詳其姓其許久侍西大寺本證上人受密  
灌大法爲衆推重證招提寺睿尊之高弟尊傳小野



一海之密軌也。文永元年夏任僧正。正安元年春加任東寺二長者。秋八月加持月蝕。即時得驗。詔領寺務。舉于護持僧。正安二年辭寺務。綱位矣。

城州醍醐寺沙門覺濟傳

釋覺濟。三位少將藤兼季之子。從法勝寺勝尊僧正。稟兩部灌頂。隨侍年久。密學入微。住金剛王院。熾彰行感。弘安二年任權僧正。無幾。司東寺長者。正應三年正月。既望月有食之。奉敕加持。陰雲厚覆。使蝕不見。賜綸言曰。所勤者一字金輪之修法也。所感者九重紫禁之睿襟也。四年正月。元宵月蝕。禱得法徵。五

年春領寺務。法務任大僧正。冬十月辭諸職。翌歲補醍醐寺座主。正安元年敕聽乘車而入禁門。

江州園城寺沙門行昭傳

道昭 良慶

釋行昭。大丞相道家藤公之子。稟顯密法於園城寺。良尊僧正補三井長吏。兼領法務。屢播法驗。承龍禁闈任。大僧正蒙牛車宣檢校三山。乾元二年正月五日。化壽七十三。弟子道昭。大丞相教實藤公子。法驗學術。侔比師德。三補三井長吏任。大僧正司三山檢校。又釋良慶昭之族弟。為園城長吏任。大僧正領三山檢校。以口密法為眾所欽。



京兆東寺沙門道耀傳

釋道耀大丞相實氏藤公之子就道勝僧正受兩部  
灌頂從法助親主重受真祕住勝寶院大立密幢建  
長二年任權大僧都文永六年司法務轉權僧正即  
日辭法務弘安二年改權進正明年抄冬任東寺長  
者四年四月禱日蝕崑陰雲覆虧景帝有優賞置阿  
闍梨二口於高野奧院七年春舉爲大僧正夏四月  
領寺務并法務侍護持僧正應三年因事禁殿修北  
斗法有驗受賞以實海任權大僧都五年秋有宣聽  
乘牛車出入禁門永仁二年七月入宮修普賢延命

法嘉元元年十二月化于本院法臘不詳有實海良  
圓勝慧勝如四神足

京兆仁和寺沙門了遍傳

釋了遍左大將藤實有之子幼依行遍僧正圓頂遂  
稟灌頂又就法助僧正請益重受常居仁和菩提院  
苦修鍊鍛通瑜伽法建長元年任權僧正文永四年  
春爲后官產修五壇法遍行大威德夏帝瘡疾又行  
五壇遍修金剛夜又共得法驗各受賞貺二年冬修  
同法又効徵明年春任東寺長者加持日食當蝕雨  
降弘安二年八月十四夜蝕救遍加持俄黑雲蔽食



頃霽朗冬十月任權僧正五年七月禱月蝕有驗七年春轉正八年冬司寺務法務九年春為大僧正翌歲補東大寺務任職歷年嘉元未順世

城州醍醐寺沙門定任傳

釋定任藤亞相經任子初承灌頂於定勝僧正後就通海法務重浴密水住三寶院修感上聞任權大僧都德治元年冬為東寺長者轉權僧正二年三月朔救禱日蝕先期連日陰雲至曉大雨已霽無蝕星又稀出羣臣奏曰王都見日輪他國看虧蝕乃賜綸旨曰紅輪影無虧壁光猶明災異之不現法驗之所致

也六月望日修北斗法又得効延慶二年任醍醐寺座主八月二十七日寂

京兆東寺沙門成慧傳

釋成慧不詳其姓氏隨安祥寺寬伊僧正受兩部密灌住安祥寺不立家法正安二年任權僧正嘉元三年夏加任東寺三長者二年七月有故黜貶僧正是歲十月加持月蝕得驗受賞明年十月加持月蝕都人見圓他國看缺華夷奇嘆朝廷有議還任舊官德治元年秋七月旱修水天供即降大雨十月帝不豫召行五壇法不應詔又止僧綱延慶二年蒙恩還任



羽立歲冬加二長者兼領寺務年六十二衆服高德應  
長元年祈廣義門院產修六字法賞賜多品正和四  
年臘月二十三日化壽七十三  
贊曰楞嚴經曰頗有衆生心蓄惡念則於天現慧星  
等之妖象也只其國之人民見之他國之人民不曾  
見之此釋迦法中所以建世界而本乎一心立因思  
以環乎三世也如今定任成慧禱日月之蝕而使  
城他州之人盈虧異見者實能與佛說合符節矣嗚  
呼二師之修法感應至地矣哉

京兆東寺沙門實海傳

釋實海權中納言藤公恭子從勝寶院道耀僧正承  
傳法密灌住五智院密教播名應長元年祈廣義門  
院病修軍荼利法賞轉僧正正和二年春加東寺長  
者五月望夜禱月蝕隱缺影四年春司寺務翌載夏  
昇大僧正爲護持僧文保三年五月七日罹病順世  
京兆東寺沙門信忠傳

釋信忠關白忠家藤公之子風神清爽舉厝有儀隨  
勸修寺勝信僧正稟兩部灌頂又就同寺道寶僧正  
學密教三論住東南院移勸修寺密席日盛學侶年  
多正安二年秋加任東寺二長者兼領寺務法務尋



任僧正是歲臘月南京興福寺有選佛開眼供養請  
忠爲導師因轉大僧正嘉元三年秋於仙洞修愛染  
法賞以勝圓爲權大僧都正和三年祈皇后產修愛  
染法壇場滿散內報安產德治三年春辭東寺寺務  
延慶三年補東大寺二年解印元亨二年十月十九  
日示寂於東關矣

京兆東寺沙門公紹傳

釋公紹中納言藤實世子俊發志于密教稟體金灌  
頂於俊譽法印精一見感任權少僧都住醍醐寺嘉  
元三年春爲東寺長者四月望夜奉敕祈蝕俄雨不

見賞任權僧正德治元年秋七月祈雨修水天供修  
中得驗八月帝不豫行五壇法紹修軍荼利九月祈  
月蝕不得驗辭僧職詔不許延慶元年冬辭長者僧  
綱文保二年秋敕重任冬轉僧正爲護持僧元應元  
年爲東寺主八月十日逼病示寂

城州醍醐寺沙門道順傳

釋道順內大臣藤秀房之子投醍醐寺稟灌頂密印  
於憲淳僧正住報恩院遷三寶院大啟密席文保二  
年任權僧正元應初年春加東寺二長者兼補醍醐  
寺座主秋七月既望禱月蝕得法驗是秋轉大僧正



聖載春並領寺務法務為護持僧元亨元年臘月二十八日戡化

京兆東寺沙門實弘傳

釋實弘不詳何所產徧遊兩山東寺研尋密部文保元年夏任東寺長者元亨初年冬為寺務聖載春兼法務任大僧正九月十五日祈月蝕當其時浮雲覆月賞賜綸綍是歲辭長者不記所終贊曰唐一行禪師加持舍狎使七曜隱千歲以為奇談矣今此諸師或覆日月之蝕汎掃彗星之凶降法雨而興旱天之稍起神風而破敵國之船曷為奇異

哉觀數師之法驗則豈使行師獨熙名於唐天邪

新撰... 寶... 上... 大... 行...

本朝高僧傳卷第五十五



音訓

闊 苦本切 媿 莫典切 尉 諸深切 虧 枯回切  
缺也

江府住玉泉軒成九居士信施淨財鏤  
本朝高僧傳卷五十五 茲冀

上報四恩下資三有家道繁興種智圓明  
寶永丁亥佛成道之日

濃州路加納盛德禪寺 知藏比丘 識

本朝高僧傳卷第五十六

濃州盛德沙門 師鑿 撰

感進四之十一

京兆東寺沙門弘舜傳

釋弘舜周回南北屬思瑜伽元應元年冬救祈日食  
修法得驗賞以弘寬任權少僧都元亨初年任東寺  
長者翌載冬領寺務轉僧正

京兆東寺沙門有助傳

釋有助權大納言藤實藤之子任成基提院移香隆  
寺任權大僧都正和二年補東寺長者四年二月十



五日祈月蝕有法驗朝賞任權僧正正中元年秋轉  
正司寺務嘉曆元年秋爲大僧正

京兆仁和寺沙門禪助傳

釋禪助相國通成源公之子自幼英傑好出纏法從  
仁和寺法助僧正祝髮納戒密學日進文永二年冬  
稟助之傳法灌頂任眞乘院永仁元年任大僧正翌  
歲二月任東寺長者管司寺務法務爲護持僧德治  
二年春於石清水宮修結緣灌頂以爲恆式伏見上  
皇幸臨法會秋七月上皇圓頂相助爲戒師三年正  
月後宇多法皇就助受灌頂準寬平上皇稟於益信

之例也入壇之時大地震動天現光耀滿會嘆異皇  
情有喜賜牛車宣追崇益信謚本覺大師同年二月  
始任東寺座主延慶四年春禱廣義門院產修愛染  
法皇后分娩夏五月董仁和寺文保三年秋再任東  
寺長者寺務元應元年秋七月修孔雀經法於龜山  
院卽讓賞任奏以顯譽爲大僧正二年春三月高野  
大塔落慶供養助爲導師秋七月辭諸僧職退居舊  
院元德二年二月十二日奄爾順世齡八十有四助  
三任長者爲伏見花園二朝護持僧管仁和傳法堂  
學頭高野傳法院座主神護寺主務有灌頂弟子八



十餘員焉

贊曰佛氏之興法續統猶如世人之勤業克家也世  
諦費而易焉真諦隱而難矣百世中間有豪傑出可  
荷其任已助公之行幾乎不忝任也

紀州高野山沙門定範傳賴審道淳

釋定範泉州橫山縣人久止野山研習密部該通大  
義得法靈多正和三年司高野檢校職任引接院為  
衆闡教五年冬任法印大和尚位範奏後之檢校永  
賜此恩任制可其奏又釋賴審受範密灌任屈母院  
盛播法義任檢校職有灌頂弟子道淳紀州神宮人

精密乘有法驗住寶龜院能勤家法元亨二年司檢  
校職

京兆東寺沙門弘真傳

釋弘真建武二年春任東寺長者尋領寺務法務任  
大僧正冬十月後醍醐帝敕禱天下安寧真於東寺  
講堂修仁王經法至結願日懸百佛像各備香華集  
一百僧行百座仁王會伶人舞樂簫鼓迭起右少辨  
藤原藤長甘露寺監護法事

京兆東寺沙門益守傳

釋益守學真言教拜仁和寺禪守僧正受兩部密灌



住成就院觀法顯修元弘元年任東寺長者建武二年夏六月中宮懷妊守於西院修延命法乃得驗賞京兆東寺沙門道意傳

釋道意大相國藤實兼之子師辨慧上人熏沐密灌從後宇多法皇重受任勝害院扶瑜伽法元亨二年加任東寺三長者四年四月日食修法奏効賜旨優賞建武二年秋召意禁殿修守護經法未幾東北偃天帝命擢賞任大僧正

京兆金蓮寺沙門淨阿傳

釋淨阿姓源氏總州人至年十九入州之圓通寺出

家習大小乘又在鎌倉極樂寺拜謁忍性律師受戒專修永仁初拜法燈國師乞直指意國師曰吾宗離言說相無一法與人汝緣在淨土教宜歸念佛辭詣中宮乞神助冥即蒙靈夢得專念要巡化諸方勸唱念佛在越中野尻說淨教日蓮徒嫉投之淡淵阿專心念佛而身不沈溺光放水上市邑民救之府主波多野氏檢察其堂遂送佗邦正安二年偶在東武會遇佗阿論量淨教承其法義居當麻山延慶二年上京師寓祇陀林寺皆廣義門院惱娠胎阿持熊野神所授一遍之念佛印札模寫獻內女院平產上皇革祇



陀林救阿住持親染宸翰賜錦綾山金蓮寺上皇重  
宣賜上人位阿奏其師佗阿未拜此號伏承恩賤罷  
命隆至併賜師資曆應四年六月二日以行年七十  
三卒於錦綾山上下聞訃揚哀而軫矣

江州伊吹山沙門淡有傳  
釋淡有字覺然千葉氏下總人藺慕佛門志學上京  
就玄慧法印聽台教拜虎關和尚于河東探問禪錄  
歸其學海無涯往醍醐寺傳野澤之祕流文和元年  
陟和之忍上獄期一千日修求聞持法一夜下溪淡  
關伽水時長丈餘巨蟒臥徑有念阿字踏蟒背過其

曉夢天童來告曰我往昔爲僧依一念誤枉墮蛇道  
久棲此山嫉人之善欲障行修嚮現本身得上人觀  
法力脫惡趣而生兜率天尚雷醜形在于山後翌朝  
巡訪見一巨蟒死在洞口雇人埋之建木浮圖誦多  
羅尼及往江州長尾山寺寺後有瀨水河出伊富峰  
朝宗江湖兩岸岩峩巨石中立高二十丈瀑水漲落  
介鱗觸碎夜夜登岸九旬加持一夜山鳴盤石沈沒  
從此樵夫朝涉魚鼈游泳三修之後堂塔廢壞有募  
檀力太半復舊某年臘月四日沐浴蘭湯結定印而  
化春秋八十五



京兆仁和寺沙門寬性傳

釋寬性，伏見帝第三子正安二年，宣爲親王。十三歲，世入仁和寺，從禪助僧正落州，納戒器宇，穆肅好學。粹密，乾元初年，補仁和寺主務。嘉元二年春，爲一身阿闍梨，就助公受兩部灌頂。夏五月，任總法務管六勝寺。應長九年，昇敘二品正和元年，上皇弗豫，奉救修愛染法，有効。嘉曆元年，解仁和印，移居開田貞和二年九月晦日，順世壽算五十八矣。

江州百濟寺沙門源重傳

釋源重，江州人，弱冠上睿山，討習五時八教，觀行圓

修，遂任僧都。歸百濟寺住，金蓮院修普賢行，弘通妙經。一日定中，龐眉老翁告曰：我小野一萬菩薩也，以我加三十神之列。源諾神言，菩薩歡喜，易心爾而隱。源書法華，獻于伊勢太神，而歸磨針山邊，逢不冠客，展席迎源，殷勤餉給。客曰：我小野神主也。詰朝神託曰：源重僧都，今日過此宜奉點心。故候師至也。以延文未安詳而化，永和之比門人書寫法華百部，備真供養。瑞華隊地音樂聞天云。

洛北施無畏寺沙門長慶傳

釋長慶，藝州刺史源雅房之外舅也。少躋睿山，離俗



釋師究密教修淨業後住洛北施無畏寺延文五年  
七月某日坐唱寤號向西而寂臨亡告門弟子勿致  
葬斂置棺山頂不可覆蓋門弟遵言已過三日有棺  
無屍山中數日風吹奇香其後民部大夫中原忠長  
之女久惱邪氣魔魅託云我先年惱某人長慶上人  
持火界咒童子才人持杖來打我將遁匿鐵網四漫  
絡網入火遂燒羽翼悔過自責僅存命耳常懷怨心  
惱亂不得聞病不起幸窺其便然畏沙門天王之在  
枕邊又欲障臨亡則四大天王偕率眷屬戈戟林森  
四方看護聖衆滿空音樂響雲已乘蓮臺向西而公  
終不得復也

相州勝因寺沙門至一傳

釋至一至或紀州人入粉河寺習經超隊永仁之初  
寺架山門衆請法燈國師爲供養導師一時列于童  
役國師見其俊利卽爲剃度初名覺一國師摩頂爲  
記後來翌歲國師順寂乃遊南北教肆傳密明律修  
鍊功成還居粉河六所神前奇石多寺衆欲移之人  
力難及一往加持鞭逐巨石如牛羊羣爭先自來又  
於寺內別建誓度禪院勸請國師爲第一祖其後菴  
居江之坂本純心禪坐得六根淨魔欲障法化作松



輦在檀越家自爲淨供一已通知棄置檐端至晡滿  
盒化爲飛太鎌倉府主平副元帥創勝因寺延爲開  
山常修辯才天供士庶多歸一日庭際忽生大草一  
加持之草枯如石黃昏聲於屋上曰自今以後當作  
護法神而滅火災也府下相傳新架構者求結界土  
布柱礎下一時粉河寺人不救定中知之刻木童子  
長寸八分加持拋空利那飛行人寺巡火即時撲滅諸人  
駭異名曰雨法童子在誓度溪雲菴值法燈國師三  
十二回忌新剎千光院於鎌倉拜請五山十利海衆  
修大會齋屈明極清拙一尊宿陞座舉唱其在教門

不忘師恩諸方感之

贊曰神通本宿因而不逢明師則不顯焉法燈古佛  
也一上人親炙之裁一載感風也浚故本質露于茲  
感通從心使一木童滅千里遠火與唐一行禪師封  
藏七假而沒七曜星妙不多讓焉國師之名譏合轍  
亦奇哉

和州東大寺沙門聖珍傳

釋聖珍伏見帝季子也自幼冲日投醍醐寺聖尋僧  
正三論三密稟學兼長敘任無品親王住南都東南  
院建武貞和之間三住東大寺文和二年秋補東寺



長者任大僧正又住高野之金剛三昧院在東南院  
徐步庭際忽見伊勢春日八幡三神之宣文燦然印  
於池面援筆記之常書與人世俗所謂三社之託宣  
者也

京兆東寺沙門定憲傳

釋定憲朝貴之子周旋密場後村上帝詔任僧正文  
和三年爲東寺長者延文夏兼法務二年七月四日  
奉敕禱月蝕得法驗名二年六月朔又祈日食早朝  
雨降蝕過天晴都下極賞不辱君命明年四月辭讓  
僧職不詳其後焉

江州園城寺沙門良瑜傳

道意

釋良瑜大相國兼基藤公之子得度三井從良慶道  
瑜三師承顯與密管二井長吏兼領法務住常住院  
轉大僧正尋司三山檢校應安元年官中修密壇賜  
牛車之宣弟子道意大相國良基藤公之子顯密二  
輪推輓靈通領園城寺長吏三山檢校住常住院爲  
一衆表僧綱釐舉善嗣師位焉

江州延曆寺沙門尊道傳

釋尊道後伏見帝季子母藤氏正慶元年生七歲入  
青蓮院隨延曆寺座主尊圓敬英夙見曆應四年移



十樂院十歲就圓落卅受戒從辨靜僧都習四教儀  
摩訶止觀十二依靜範法印受三大部十六入壇加  
行任一身阿闍黎是歲冬受兩部灌頂於圓公觀應  
元年秋於仙洞行佛眼法修學成熟傳承圓之一心  
三觀血脈文和四年十一月補延曆寺座上延元初  
年爲護持僧二年夏登山拜堂秋七月上表辭座主  
康安元年秋畿甸震修熾盛光法於禁裏地震卽止  
貞治四年再補座主應安元年夏賜乘牛車六年癸  
丑敘一品親王永和四年秋慧星北出敕於禁中修  
五壇法道修中央不幾慧沒明德元年春濃州兵起

就鞍馬寺率僧修法應永六年與州筑紫軍兵騷擾  
修五壇法東西烽平凡修五壇前後五度皆得成就  
是歲相國寺審塔慶讚圓爲導師十年七月五日寂  
于花園妙心寺是時法山略於時權屬乎青蓮院也  
壽算七十二葬于西山青龍寺

### 武州增上寺沙門聖觀傳

釋聖觀字音譽弱年出家形貌奇偉朴直儻布衲  
單疎節儉知足參曹洞禪修專念法誘莽東西廣流  
視聽世謂觀音之應化也住增上寺爲第二世扶禪  
那演淨教辯說無礙與府主太田道灌締方外交論



日本書紀 卷之五十六  
法詠歌一日告衆曰吾今將逝登蓮華臺凌空去矣  
或曰共雲西行云

武州東睿山沙門天海傳

釋天海三浦氏奧州會津人其母無嗣禱月天子一  
管夢吞奇花而娠經九月誕風度英發幼惡葷腥強  
哺則吐父母異之年十一投本邑辯譽法印得度稟  
戒學顯密教抵宇都宮謁皇舜僧正天文年中上睿  
山從實全阿闍黎學台教淡入闡奧受俱舍於三井  
尊實權僧正學法相二論于南都足利學校聽孔老  
書回鄉邑叅大寧禪德受教外旨又從長樂寺春豪

天寧寺善恕叅禪之暇稟灌頂法此三師榮朝之末  
裔唱禪台密曹洞老宿問五位訣睿山豪盛住甲之  
善昌寺弘說台教論衆二百海鷹講師暨義雄壯盛  
聞優論傳付慧心的流七個三重之奧旨府主源晴  
信見秀傑亦加禮敬天正初門族羣名盛高招以會  
津稻荷堂及盛高移任常州往往不動院文祿二年  
郡中大旱民方殿屎屈海禱雨臨潭修法首神女來  
授五銚杵須臾潭面舍利一粒載竹葉浮青蛇出水  
含舍利藏雲雷頓作大雨普洽又盛高妻臨產危苦  
來乞法拔修不動延命法感明王現即報分挽慶長



己亥住武州仙波喜多院癸卯移下野定光寺講說  
法華東照源君命主比睿山南光坊單丁一鉢以送  
歲月源君又命宗伯招至駿府不起宗伯曰方今傾  
心探諸宗旨師得信嚮台啟復振焉海善其言人於  
駿府以鈞帖再住喜多院爾後每謁委說真理源君  
隨喜信敬日盛遂弛淨修歸三觀門深契妙旨受海  
印授十四年睿山修法華大會選爲探題後陽成上  
皇召問法要特降優旨賜命法服一襲燕尾帽巾御  
製杖對御著帽而杖殿上又賜宸翰改轉僧正卽住  
輦下毘沙門堂翌歲源君親爲規燧新喜多院癸丑

再營野之日光山命海董之元和元年正親町上皇  
之御忌禁殿設會救海爲導師任大僧正源君在日  
與海有言以故薨日殯于久野山歷一回忌遷於日  
光山此鎌足公改葬于談峰之例也三年八月後陽  
成上皇崩就洛北般舟院廣修法事海爲會首先皇  
御忌就清涼殿修法華懺者一七日詔海爲首皇帝  
僧行道公卿著座一夜夢祖武帝儀容莊麗告海  
曰傳教滅後待師數百年矣於是營治遺廟建九層  
塔九年癸亥皇太后請海受戒圓頂睿山東麓建法  
勝寺今俗呼志賀院寬永元年大將軍秀忠源公闢東睿山



於武城東北與海任持大將軍家光源公疾劇暨拱  
手海祈卽安海又乞睿山之新營金碧映湖鐘磬傳  
谷林道春謁海謂之曰汝效宋儒屢斥佛道殊不知  
吾法廣大上窮空界下徹地輪安加誦毀有理速言  
春不能答赧然而退十一年甲戌寓太秦廣隆寺先  
是大愚築公有流言事沒法山籍海福招妙心者老  
曰大愚和尚當世禪匠吾常會察解行相應敢憑諸  
老解其屏整衆感昌言復籍如初上野長樂寺弘禪  
台密中古爲新田德川之墳所海受台命爲主且寄  
莊田及筆日光衡門衡頂石在赤那妓山重大難移

海加持石卽自由轉源公無嗣海常憂禱一夜席上  
忽得文云便生福德智慧之男其後家綱公誕源公  
益信有所默契因構別墅延海安老海乃筆呈傳教  
大師所傳要旨以表授受二十年秋七月示微疾衆  
欲禱海不聽十月朔夜誠示門人遺語五條以獻幕  
下皆囑爲佛法金湯仁慈救世也源公命画工守信  
繪海頂相以備瞻禮二日朝披安陀衣持念珠閱論  
策及午盥漱端坐觀想誦經感文殊現合掌而化坐  
牀四日顏色紅潤有紫雲雨華之瑞源公聞訃七日  
清齋公府賻給幕上護送葬於日光山建影堂於日



光東睿比睿二處寄香燈田海不語齡以曆考之一  
百三十餘歲嘗參殘夢和尚得頤神之道矣慶安元  
年夏四月賜諡怒眼大師

贊曰楊子雲云年彌高而德彌邵者孔子之徒歟余  
讀海公狀單心宗旨究濫突與探參教外偉望英達  
禦儒侮而立真乘承一皇帝之恩遇三將軍之敬開  
新日光東睿巨利鼎興台山之既廢保百餘齡慈益  
博行其振法令於世不減忠國師八思巴帝師此又  
謂釋氏之徒歟

論曰天地之道感應而已華嚴經云三千大千世界  
以無量因緣乃成大地依水風空輪空無所依衆生  
業感世界安住矣夫業感者本乎一心離心而更無  
法天地同根萬物一體故吾佛之說必歸於總持門  
總持者心法之妙用謂之無上神咒也以同根之心  
而容萬物之境依佛言量修教令輪則何可無感應  
乎由是義覺彌般若而見壁外祚蓮入龍宮而定伽  
藍者意生身也定慧來唐材於海塲實忠迎聖像於  
南津者協於感得也泰澄使令鬼神咒縛雷電古列  
于方應今系之感進相應以不動法瘞藤后之顛風  
尊意結瀉水印消管神之瞋火八幡放光隨行者地



藏取矢授將軍兩地同存清水之名或坐于空中示  
非王民或侍于宮內與明神語降朝敵伏崇靈摧蛇  
島制鬼女咒持角異中分庭石露地持念端直古塔  
榻枯回蘇鉗杵逐戰餘慶咒驗伸肯也之臂性空根  
淨送寂心于金勸修指甘瓜踊有毒勝算祈臘梅結  
青實凡上朝選結壇雪修泉死得應前後垂二百人  
淡覺獨潤四方仁海九施千里鮑後雲浮義範風馳  
又有隱沒彗星客星日蝕月蝕銷除風雨變怪天災  
地震者權衡造化成典修供天像彈舌行圓行軌山  
王現壇或持念如神疫瘡癰瘡不假驢馱藥或加持

動幽起死回生似垂手得勝覺覺法增譽行尊中世  
之達人出處清高修感無方是皆師資面授三輪相  
應所得者也唐開元年中大廣智善無畏不空始顯  
法驗此方之先達越海傳歸行于中都一咒一軌毫  
髮無遺東密台密小野廣澤安祥法琳蓋有八家岐  
分派別真祕流通支那之密衰于唐季絕于宋初唯  
我日域至今熾然然管修今修同法同軌而不及管  
人我障之機感亦異也贊寧云羽嘉鳳皇降生庶鳥  
欲無變革其可得乎白學密之人瑜伽之言此翻如  
何耶



本朝高僧傳卷第五十六

音訓

矜

渠巾切

迭

杜結切  
遞也

迸

讀爲屏

葦

慈莊切

鳶

于權切

江府住玉泉軒成九居士信施淨財錄

本朝高僧傳卷五十六

茲冀

上報四恩下資三有家道繁興種智圓明

寶永丁亥佛成道之日

濃州路加納盛德禪寺

知藏比丘

識



終

